



Inatsisartunut ilaasortaq, Michael Rosing, Demokraatit
C/O Inatsisartut Allattoqarfiat

§ 37 tunngavigalugu apeqqummut nr. 91 akissut

Ulloq 7. april 2014 Naalakkersuisunut imatut apeqquteqarputit:

1. Suiaaqatigiit katissinnaanerat pillugu aalajangiiffigisassatut siunnersuut massakkut Inatsisartut Upernaakkut ataatsimiinneranni ullormut oqaluuserisassanit Naalakkersuisut peersimammassuk suna pissutaava?

24-04-2014
Sags nr. 2014-098586
Dok. nr. 1547708

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

1) Naalakkersuisut ulloq 11. februar 2014 Inatsisartut Upernaakkut 2014-imi ataatsimiinnissaannut oqaluuserisassat nalunaarutigaa, taakkununga ilaatigut ilanngullugu Kalaallit Nunaanni katittarneq avittarnerlu pillugit inatsisip allangortinneqarnissaanut siunnersuutip Kalaallit Nunaanni Namminersorlutik Oqartussanit atuutsinneqalernissaa pillugu Inatsisartut aalajangiiffigisassaattut siunnersuut.

Ulloq 18. februar 2014 Inatsisartut Siullitaasoqarfiata ilisimatitsissutigaa, oqaluuserisassatut nalunaarutigineqartut sisamat, taakkununga ilanngullugu inatsisissatut siunnersuut pineqartoq, naalisakkap nutserneqarsimasup piffissaq eqqorlugu tunniunneqarsimannginnera pissutigalugu 2014-imi upernaakkut ataatsimiinnermi suliarineqarsinnaanngitsoq, kiisalu Inatsisartut Siullitaasoqarfiata tunniussiffissap killigitinneqartup kinguartinnissaanut immikkut ittumik akuersissuteqarsinnaannginnera pissutigalugu.

Ulloq 24. februar 2014 Naalakkersuisut Siullitaasuata Inatsisartut Siullitaasoqarfiat qinnuigaa aalajangerneq eqqarsaatigeqqeqqullugu UPA2014-imilu aalajangiiffigisassatut siunnersuutip oqaluuserineqarnissaa akuereqqullugu. Naalakkersuisut Siullitaasuata tamatumunnga tunngatillugu nassuiaavoq, Rigsombudip kukkunerup malitsigisaanik naalisagaq inatsisinut ataatsimoortunut ilaasoq nutsersimanngimmagu, oqaluuserisassami pappiaqqat atugassat nalunaaquttap akunnerinik ikittunik kinguartoorsimasoq.

Naalakkersuisut ilisimatitsissutigaa, uani pineqartut tassaammata ilaqtariit pillugit inatsisitigut nutarterinissamat ujarterneqartunut tunngassuteqartut. Tamatumunnga atatillugu Naalakkersuisut Siullitaasuata ilisimatitsivoq, inatsisit ataatsimoortut nassatarisaannik angajoqqaatut akisussaannermut qitornamillu peqateqarnermut malittarisassat ataatsimoortumik nutarterneqarnerannik inatsisit ataatsimoortut kinguneqassasut, kiisalu kalaallit suiaaqatigiit katittarnerannut malittarisassat siunissami qulakkeerneqassasut, taamaattumillu inatsisit ataatsimoortut kinguartinneqarnerisa

nassatarisaannik innuttaasut arlallit kiisalu meeqqat inersimasullu illersorneqarnissaasa
pisinnaatitaaffiisalu pitsanngorsarneqarnissaat utaqqissunneqartariaqassasoq.

Ulloq 26. februar 2014 Inatsisartut Allattoqarfiata Inatsisartut Siulittaasoqarfiata
itigartitsinini aalajangiusimaannaraa ilisimatitsissutigaa.

Ulloq 3. marts 2014 Naalackersuisut Siulittaasuata inatsisit ataatsimoortut
suliarineqarnissaat tunuartippaa.

Inatsisit ataatsimoortut Inatsisartut Ukiakkut Ataatsimiinneranni UKA2014 -imi
tamakkerlutik oqaluuserisassatut saqqummiuteqqinneqaaqqissapput.

Inussiarnersumik inuulluaqqsillunga


Aleqa Hammond